




Број: 01/5-50-18-896-5/25

Сарајево, 3. 6. 2025.

PREDSTAVNIČKI DOM
PARLAMENTARNE SKUPŠTINE BiH
n/r **predsjedavajućeg**



PRIMLJENO: 05-06-2025			
Organizaciona jedinica	Klasifikaciona oznaka	Redni broj	Broj priloga
01/5-	50-1-	1311	125

PREDMET: Zahtjev za uvrštavanje nove tačke u dnevni red 29. sjednice Predstavničkog doma Parlamentarne skupštine BiH koja glasi: **Analiza stanja Javnog radiotelevizijskog servisa Bosne i Hercegovine (BHRT) s prijedlogom mjera i zaključaka za prevazilaženje trenutnog alarmantnog finansijskog kolapsa, kao i uspostavljanja efikasnog dugoročnog modela finansiranja i funkcioniranja BHRT-a**

I. Alarmantno finansijsko stanje BHRT-a i neprovođenje Zakona o Javnom radiotelevizijskom sistemu Bosne i Hercegovine

Krajnje složena finansijska situacija BHRT-a rezultat je dugogodišnjeg nerada Odbora Javnog radiotelevizijskog sistema u Bosni i Hercegovini (u daljnjem tekstu: Odbor Sistema), kao i rukovodilaca javnih radiotelevizijskih servisa zbog neprovođenja i kršenja zakonskih odredbi Zakona o Javnom radiotelevizijskom sistemu Bosne i Hercegovine (u daljnjem tekstu: Zakon o JRTSBiH) koje se odnose na naplatu i raspodjelu RTV takse.

Članom 23. Zakona o JRTSBiH propisano je da se RTV taksa u Bosni i Hercegovini naplaćuje na području entiteta i Brčko Distrikta BiH, s tim što se uplata vrši na jedinstveni račun. Od ukupnog iznosa RTV takse naplaćene na teritoriji Bosne i Hercegovine, **zakonom je određeno da BHRT-u pripada 50% naplaćene RTV takse, Radio-televiziji Federacije Bosne i Hercegovine (u daljnjem tekstu: RTVFBiH) 25% i Radio-televiziji Republike Srpske (u daljnjem tekstu: RTRS) 25%.**

U stavu (3) navedenog člana određeno je da su članovi Odbora Sistema povjerioci i izvršioci jedinstvenog računa i odgovorni su za nadzor nad postupkom naplate.

Prema dostupnim informacijama, situacija o raspodjeli RTV takse je sljedeća:

Od 2017. godine RTRS je jednostranom odlukom i suprotno Zakonu o JRTSBiH prestao uplaćivati sredstva od RTV takse na jedinstveni račun, čime je narušen sistem raspodjele finansijskih sredstava prikupljenih naplatom RTV takse, a BHRT-u uskraćen način finansiranja propisan odredbama Zakona o JRTSBiH.

Ovakvim protuzakonitim načinom raspodjele RTV takse od 2017. godine do danas, BHRT svake godine povećava finansijske gubitke u poslovanju, čime se dovodi u pitanje daljnja proizvodnja i emitiranje programa.

Također, važno je istaknuti da se RTV taksa naplaćuje samo na jednom dijelu Federacije Bosne i Hercegovine, i to putem računa Elektroprivrede Bosne i Hercegovine. U drugom dijelu Federacije Bosne i Hercegovine obveznici uopće ne plaćaju RTV taksu niti je predviđen način njene naplate. Uz sve to, visoki zvaničnici određenih političkih subjekata već godinama javno pozivaju građane da ne plaćaju RTV taksu.

Članom 11. Zakona o JRTS Bosne i Hercegovine propisano je da je BHRT dužan osigurati korištenje prava i izvršavanje obaveza koje proizlaze iz članstva u Evropskoj radiodifuznoj uniji (EBU) i po tom osnovu dug BHRT-a iznosi 16 miliona KM.

Činjenica je da je BHRT dužan da izvršava obaveze prema EBU, kao i da BHRT već godinama dobiva znatno manja sredstva od RTV takse, jer se ne provodi zakonom utvrđen način prikupljanja i raspodjele RTV takse.

II. Aktivnosti Komisije za saobraćaj i komunikacije

Komisija za saobraćaj i komunikacije Predstavničkog doma Parlamentarne skupštine Bosne i Hercegovine (u daljnjem tekstu: Komisija), kao stalno radno tijelo Predstavničkog doma, ovlaštena je da provodi parlamentarni nadzor nad radom institucija za koje je nadležna te da podnosi prijedloge mjera u vezi s radom tih institucija.

Komisija je u tekućem mandatu, kontinuirano, na više sjednica razmatrala stanje i probleme u poslovanju BHRT-a. Na poziv predsjednice Samostalnog sindikata radnika u BHRT-u, članovi Komisije su 30. 10. 2024. posjetili BHRT i sastali se s predstavnicima Samostalnog sindikata radnika u BHRT-u. Predstavnici Sindikata upoznali su članove Komisije s teškom finansijskom situacijom u BHRT-u, kao i s činjenicama da zaposleni rade sa zastarjelom opremom i u krajnje teškim uslovima zbog nedostatka sredstava za održavanje radnih prostora.

Članovi Komisije imali su priliku da se na licu mjesta uvjere u stanje opreme BHRT-a, posjetili su prostore u kojima je kotlovnica, energana i vozni park, te konstatirali da su neophodna značajna finansijska ulaganja u obnovu opreme.

Također, Komisija je u 2024. godini održala dvije tematske sjednice posvećene stanju i funkcioniranju BHRT-a. Prva sjednica održana je 18. 1. 2024. i na njoj je Komisija usvojila 13 zaključaka. Druga tematska sjednica posvećena BHRT-u održana je 21. 10. 2024. Komisija je tada usvojila sedam zaključaka.

III. Zahtjev za uvrštavanje nove tačke u dnevni red 29. sjednice Predstavničkog doma

Komisija je na 29. sjednici, održanoj 3. 6. 2025, razmatrala dopis generalnog direktora BHRT-a, broj: 01/5-50-18-896-4/25 od 30. 5. 2025. Dopis je, osim Parlamentarnoj skupštini BiH, dostavljen i Predsjedništvu BiH, Vijeću ministara BiH i Vladi Federacije BiH.

Generalni direktor BHRT-a je u dopisu naveo činjenice o teškoj finansijskoj situaciji u kojoj se nalazi BHRT, kao i da nisu preduzeti nikakvi konkretni koraci da se pomogne BHRT-u.

BHRT-u nije uplaćen iznos od 95 miliona KM od naplaćene RTV takse s teritorije Republike Srpske za period od 2017. do danas.

Nenaplaćena potraživanja BHRT-a od RTVFBiH za pružene usluge iznose više od 15 miliona KM.

Novi problem predstavljaju tužbe zaposlenih zbog neplaćanja doprinosa pa je generalni direktor informirao Komisiju da je 29. 5. 2025. blokiran račun BHRT-a zbog pravosnažnosti presuda nadležnog suda za plaćanje doprinosa zaposlenim jer BHRT nema finansijskih sredstava za isplatu svih tih potraživanja.

Nadalje, BHRT je od januara 2025. godine morao primijeniti Odluku Vlade Federacije BiH o iznosu najniže plaće za 2025. godinu, te je izvršio usklađivanje plaća za 505 zaposlenika (65% zaposlenih), što u praksi znači da se cjelokupni mjesečni prihod od RTV takse potroši za isplatu plaća.

Komisija je na 29. sjednici, održanoj 3. 6. 2025, nakon rasprave o stanju u BHRT-u u kojem su učestvovali članovi Komisije, ministar komunikacija i prometa BiH i generalni direktor BHRT-a, jednoglasno zaključila da, na osnovu člana 70. Poslovnika Predstavničkog doma, predloži Kolegiju Predstavničkog doma da se u dnevni red 29. sjednice Predstavničkog doma Parlamentarne skupštine Bosne i Hercegovine uvrsti nova tačka koja glasi: Analiza stanja Javnog radiotelevizijskog servisa Bosne i Hercegovine (BHRT) s prijedlogom mjera i zaključaka za prevazilaženje alarmantnog trenutnog finansijskog kolapsa, kao i uspostavljanja efikasnog dugoročnog modela finansiranja i funkcioniranja BHRT-a.

Također, Komisija je jednoglasno usvojila sljedeće zaključke i dostavlja ih Predstavničkom domu na usvajanje:

1. Predstavnički dom Parlamentarne skupštine BiH konstatira da je Javni Radiotelevizijski servis Bosne i Hercegovine (BHRT) u ozbiljnoj opasnosti da, nakon dugotrajnog uskraćivanja stabilnog finansiranja, prestane s radom i proglasi stečaj, što je rezultat neprovođenja Zakona o Javnom radiotelevizijskom sistemu Bosne i Hercegovine iz 2005. godine.
2. Zbog izuzetno složenog finansijskog stanja BHRT-a i nemogućnosti isplate dugovanja BHRT-a po raznim osnovama (dug prema Evropskoj radiodifuznoj uniji, dug za plaće, doprinose, komunalne usluge i sl), Predstavnički dom Parlamentarne skupštine BiH nalaže Vijeću ministara BiH da se u budžetu institucija Bosne i Hercegovine planiraju i doznače finansijska sredstava u iznosu od 20.000.000,00 KM za potrebe Javnog radiotelevizijskog servisa Bosne i Hercegovine (BHRT).
3. Predstavnički dom Parlamentarne skupštine BiH traži od Vijeća Regulatorne agencije za komunikacije BiH da u roku od 15 dana, na osnovu člana 22. st. (1), (2) i (4) Zakona o Javnom radiotelevizijskom sistemu Bosne i Hercegovine, Parlamentarnoj skupštini BiH dostavi u parlamentarnu proceduru Prijedlog odluke o visini RTV takse, posebno cijeneći činjenicu da je Parlamentarna skupština BiH, postupajući po prijedlogu Agencije, donijela

Odluku o visini RTV takse koja je stupila na snagu 5. juna 2015. godine („Službeni glasnik BiH“, broj 45/15).

4. Predstavnički dom Parlamentarne skupštine BiH podsjeća Vladu Federacije BiH da je Predstavnički dom Parlamentarne skupštine BiH na 22. sjednici, održanoj 22. 10. 2024, usvojio zaključak kojim predlaže Vladi Federacije BiH da hitno izmijeni član 29. stav (2) Zakona o izvršnom postupku Federacije Bosne i Hercegovine, na način da i račun za RTV taksu ili izvod iz poslovnih knjiga za cijenu RTV takse ima svojstvo vjerodostojne isprave, čime bi se omogućilo povećanje stepena naplate RTV takse u Federaciji Bosne i Hercegovine.
5. Predstavnički dom Parlamentarne skupštine BiH traži od Upravnog odbora i menadžmenta BHRT-a da, u roku od 60 dana, sačini Plan racionalizacije i konsolidacije BHRT-a i da ga dostavi Predstavničkom domu.

Na 29. sjednicu Predstavničkog doma potrebno je pozvati:


- Edina Fortu, ministra komunikacija i prometa BiH,
- Slavka Roliha, predsjedavajućeg Upravnog odbora BHRT-a,
- Belmina Karamehmedovića, generalnog direktora BHRT-a.

Uz zahtjev dostavljamo dopis generalnog direktora BHRT-a, broj: 01/5-50-18-896-4/25 od 30. 5. 2025, s prilogima o dugovanjima BHRT-a po raznim osnovama, zaključak Predstavničkog doma Parlamentarne skupštine BiH usvojen na 22. sjednici, održanoj 22. 10. 2024, i Odluku Parlamentarne skupštine Bosne i Hercegovine o iznosu RTV takse („Sl. glasnik BiH“, broj 45/15).

S poštovanjem,

Dostaviti:

- naslovu
- a/a



Broj: 100-00-941/25
Datum: 28.05.2025.**Parlament Bosne i Hercegovine**

Komisija za saobraćaj i komunikacije Predstavničkog doma Parlamenta BiH

Predsjedništvo Bosne i Hercegovine

N/r Željka Cvijanović, predsjedavajuća

Željko Komšić, član

Denis Bećirović, član

Vijeće ministara Bosne i Hercegovine

n/r Borjana Krišto, predsjedavajuća

Ministarstvo komunikacija i prometa Bosne i Hercegovine

n/r Edin Forto, ministar

Vlada Federacije Bosne i Hercegovine

n/r Nermin Nikšić, premijer

Ministarstvo finansija FBiH

n/r Toni Kraljević, ministar

 BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 30-05-2025			
Organizaciona jedinica	Klasifikaciona oznaka	Redni broj	Broj priloga
DA/r-	50-18-	896-4	25

PREDMET: Stanje u Radioteleviziji Bosne i Hercegovine - BHRT, maj 2025.g.

Poštovani,

Iako smo vas više puta upoznavali sa izuzetno teškom situacijom u kojoj se BHRT nalazi i ovaj put vas zbog sveukupne javnosti i mogućih posljedica upoznajemo sa novim činjenicama koje će potencijalno dovesti do blokade računa BHRT-a, javnog preduzeća koje je osnovao Parlament BiH.

Vrlo vjerovatno je da će se, ako se trend tužbi zaposlenika za uplate doprinosa nastavi, izvršenjem presuda blokirati račun BHRT-a i onemogućiti dalje poslovanje i time dovesti u pitanje ne samo postojanje BHRT-a nego i egzistenciju oko 780 zaposlenika samo na BHRT-u. Posljedice blokade računa BHRT-a na druga preduzeća i institucije pojašnjavali smo u prethodnim obraćanjima i prethodnim godinama.

Poznato je da BHRT već godinama zaposlenicima ne uplaćuje doprinose na plaće i samo zahvaljujući Rezoluciji Parlamenta FBiH o javnom interesu za funkcioniranje Javnog RTV

servisa - BHRT („ Službene novine Federacije BiH, br.29/22) BHRT-u nisu blokirani računi i BHRT može da posluje. Dug BHRT-a Poreznoj upravi Federacije FBiH po osnovu javnih prihoda je **51.524.598,71 KM**.

Po tom osnovu do ovog trenutka dobijenim presudama, BHRT na ime doprinosa zaposlenicima koji su dobili presude treba da isplati iznos od cca **1.109.803,50 KM**.

Problem su i odlasci zaposlenika u penziju kojima se moraju uplatiti doprinosi kako bi mogli početi primati penziju. Samo po tom osnovu BHRT u 2025.g. treba uplatiti iznos od **2.827.147 KM** što je dodatno finansijsko opterećenje imajući u vidu da se sav mjesečni prihod od RTV takse potroši samo na isplatu neto plaća.

Da bi ispoštovao prethodno pomenute presude Suda BiH a imajući u vidu da BHRT nema drugih prihoda osim ograničenih prihoda od RTV takse, marketinga i pružanja usluga što je nedovoljno za plaćanje svih finansijskih obaveza, BHRT je prestao plaćati pored dobavljača i tzv. režijske troškove, struju, plin.

Dug BHRT-a Upravi za indirektno oporezivanje je **9.252.080,40 KM**.

Dug BHRT-a JP Elektroprivreda BiH d.d. je **1.191.602,00 KM**. Dana 23.5.2025.g. dobili smo i Opomenu pred raskid ugovora što znači isključenje električne energije, u prilogu dopisa.

Dug BHRT-a Sarajevogasu je **292.877,11 KM**.

Dug BHRT-a EBU je 9.9 miliona EUR (**20.949.889,30 KM**). EBU nas je pismom 27.3.2025.g. obavijestio da je Izvršni odbor EBU donio odluku ukoliko ne riješimo pitanje duga do 26.2.2026.g. da će bit primorani blokirati račun BHRT-a i pristupiti prodaji pokretne imovine BHRT-a s ciljem zaštite prava ostalih članica EBU-a.

I ponovo skrećemo pažnju na to da učinak primjene Odluke Vlade FBiH o iznosu najniže plaće za 2025.g. pokazuje da BHRT objektivno nije u mogućnosti da nastavi poslovanje bez konkretne i konstantne finansijske pomoći do iznalaženja rješenja koja će javnim servisima omogućiti normalno poslovanje.

Kao što smo vas već ranije obavijestili BHRT je morao od 1. januara 2025.g. izvršiti usklađivanje plaća za 505 zapolenika (65%) što u praksi znači da se cjelokupan mjesečni prihod od RTV takse potroši za isplatu plaća.

U ovu, prethodno iznesenu situaciju BHRT nije došao svojom krivnjom nego je u istu doveden zbog nepoštivanja odredbi Zakona o javnom RTV sistemu BiH o raspodjeli RTV takse od strane RTRS-a koja samo po tom osnovu BHRT-u duguje iznos od cca **95.000.000,00 KM** zbog čega nije realno da BHRT može nastaviti dalje poslovanje bez pravljenja novih gubitaka i zaduženja i nereagiranja vlasti na to kršenje zakona.

BHRT se finansira iz RTV takse koja se prikuplja isključivo na teritoriji Federacije BiH uz račune JP EP BiH za utrošenu električnu energiju i BHRT nema ovlasti niti mogućnosti da utječe na povećanje prihoda od RTV takse jer je naplata RTV takse na teritoriju Federacije BiH u nadležnosti RTV FBiH (član 18. Zakona o javnom RTV sistemu). Isto tako je poznato da RTV FBiH godinama ne poduzima ništa kako bi povećala stepen naplate RTV takse na teritoriji Federacije.

Iz ovog je jasno da se sve čini, kako direktno, tako i indirektno da se BHRT-u uskrati prihod i onemoguću poslovanje BHRT-u bez obzira na preuzete obaveze u procesu priključivanja EU koje se odnose na Javni servis Bosne i Hercegovine – BHRT.

Očekujemo da se za BHRT, čiji je osnivač Bosna i Hercegovina, HITNO pronađe način privremenog sufinansiranja npr. kao što je to učinjeno sa institucijama kulture i obrazovanja čiji je osnivač Bosna i Hercegovina i čije finansiranje opstruira, kao i kad je u pitanju BHRT, Republika Srpska.

Pozivamo na HITNO rješavanje pitanja finansiranja Radiotelevizije Bosne i Hercegovine (od viška prihoda RAK-a ili iz profita Centralne banke, budžeta države Bosne i Hercegovine) odnosno da se BHRT mjesečno sufinansira u visini od cca 900.000 KM za nadoknadu prihoda od RTV takse iz Republike Srpske koji RTRS ne uplaćuje BHRT-u.

Nadamo se hitnoj, konkretnoj pomoći.

S poštovanjem,

Belmin Karamehmedović
Generalni direktor BHRT-a

Dostavljeno:

- Parlament Bosne i Hercegovine
- Predsjedništvo Bosne i Hercegovine
- Vijeće ministara Bosne i Hercegovine
- Ministarstvo komunikacija i prometa Bosne i Hercegovine
- Vlada Federacije Bosne i Hercegovine
- Ministarstvo finansija Federacije Bosne i Hercegovine
- a/a



Javno preduzeće
ELEKTROPRIVREDA BOSNE I HERCEGOVINE
d.d. - Sarajevo

Radiotelevizija Bosne i Hercegovine
Bulevar Meše Selimovića 12
71 000 Sarajevo

Sarajevo, 23.05.2025
Broj: 01-04-18457-1/25

n/r Direktor

Predmet: Opomena pred raskid Ugovora o izmirenju dospjelog duga za isporučenu el. energiju

Poštovani,

JP Elektroprivreda BiH d.d. – Sarajevo i Radiotelevizija Bosne i Hercegovine, su dana 04.11.2024./13.11.2024. godine, zaključili Ugovor o izmirenju dospjelog duga za isporučenu električnu energiju, broj: 01-04-39382-1/24, (Vaš broj protokola 100-00-2128/24), a u skladu sa Odlukom Vlade Federacije BiH o utvrđivanju povoljnijih uslova za zaključenje ugovora o izmirenju dospjelog duga prema javnim preduzećima („Službene novine Federacije BiH, broj 03/2010, 90/2014, 36/2016).


Navedeni Ugovor je zaključen na osnovu dostavljenog zahtjeva Radiotelevizija Bosne i Hercegovine, sa slijedećim elementima :

- na iznos 689.538,38 KM,
- sa otplatnim planom od 24 mjeseca,
- sa početkom otplate 26.11.2024. godine,
- sa obročnim plaćanjem u iznosu od 28.730,76 KM mjesečno,
- sa sredstvom osiguranja plaćanja u vidu tri bjanko vlastite mjenice „bez protesta“.

Ugovorom je između ostalog predviđeno, da će u slučaju poštivanja odredbi istog (plaćanje tekućeg utroška električne energije i mjesečnih obročnih plaćanja) Radiotelevizija Bosne i Hercegovine, biti oslobođena plaćanja obračunatih, a ne ispostavljenih zateznih kamata u iznosu od 19.028,52 KM, po izvršenoj uplati posljednjeg anuiteta.

Uvidom u odredbe Ugovora, kao i realizaciju istog, konstatovali smo da na dan, 13.05.2025. godine, Radiotelevizija Bosne i Hercegovine ima dospjela dugovanja po osnovu tekuće potrošnje električne energije i obračunatih zateznih kamata u iznosu od 571.404,76 KM, što predstavlja iznos dospjelog dugovanja koji se sastoji od računa za tekući utrošak električne energije u iznosu od 570.659,78 KM (računi dio IX/24, dio XI/24, XII/24, I/25, II/25, III/25 i IV/25) i obračuna zateznih kamata u iznosu od 744,98 KM.

Odredbama člana 3. Ugovora o izmirenju dospjelog duga za isporučenu električnu energiju, Dužnik je obavezan da će, uz plaćanje duga po dinamici iz člana 2. ovog Ugovora, redovno izmirivati i obaveze za tekući utrošak električne energije, zajedno sa obračunatim kamata u skladu sa zaključenim Ugovorom o snabijevanju električnom energijom.



44 100 22430072
44 784 22430072
44 128 22430072

Vilemonovo šetalište 15, 71000 Sarajevo, BiH

Reg. broj: UF/I-392/04 Kantonalni sud Sarajevo
Poradni broj: 4200225150005, PDV broj: 200225150005
1549212003366506 - Intesa Sanpaolo Banka d.d. BiH
1410010009748956 - Bosnia Bank International d.d. Sarajevo
1020500000090111 - Union Banka d.d. Sarajevo
1348101000178654 - ASA Banka d.d. Sarajevo
1990490176075902 - Sparkasse Bank d.d. BiH
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana „Kakanj“, Kakanj, Termoelektrana broj 1
Termoelektrana „Tuzla“, Tuzla, 21. aprila 4
„Elektrodistribucija“, Bihać, Bosanska 25
„Elektrodistribucija“, Mostar, Adema Buća 34
„Elektrodistribucija“, Sarajevo, Zrnje od Bosne 48
„Elektrodistribucija“, Tuzla, Rudarska 38
„Elektrodistribucija“, Travnik, Šumeće 182a
„Elektrodistribucija“, Zenica, Safvet bega Bašagića 6

Također, istim članom je navedeno da se pod neredovnim izmirenjem obaveza smatra neplaćanje dvije mjesečne fakture za tekući utrošak uzastopno i to na dan isteka zakonskog roka za plaćanje druge fakture.

Uzimajući u obzir sve naprijed navedeno, tj. odredbe iz člana 3. stav, potpisanog Ugovora, konstatujemo da su se stekli uslovi za raskid Ugovora krivicom Dužnika.

Ovim putem Vas obavještavamo da, ukoliko u roku od 15 dana od datuma slanja Opomene ne izvršite plaćanje obaveza definisanih odredbama člana 3. Ugovora o izmirenju dospjelog duga za isporučenu električnu energiju, bit ćemo prinuđeni raskinuti navedeni Ugovor, pri čemu će JP Elektroprivreda BiH d.d. – Sarajevo, u cilju naplate svojih potraživanja po osnovu isporučene električne energije, poduzeti sve raspoložive pravne i druge radnje na zaštiti svojih prava i interesa.

Skrećemo Vam pažnju da raskid Ugovora između ostalog podrazumijeva i pokretanje mehanizama naplate potraživanja putem dostavljenih sredstava osiguranja plaćanja (bjanko mjenica) blokadom transakcijskih računa za preostala dugovanja po reprogramu, gubljenje prava na otpis zateznih kamata u skladu sa članom 7. Ugovora u iznosu od 19.028,52 KM i retroaktivan obračun zateznih kamata na plaćena dugovanja po Ugovoru.

Pored prethodno navedenog JP Elektroprivreda BiH d.d.-Sarajevo će u cilju naplate svojih potraživanja biti prinuđena pokrenuti mehanizam naplate potraživanja za električnu energiju putem obustave isporuke električne energije.


S poštovanjem,

Generalni direktor

[Signature]
Dr. sci. Sanel Buljubašić

Dostavljeno:

- Naslovu
- 04, 04-1, 04-2, 05, 06
- a/a



44 100 22430072
44 784 22430072
44 126 22430072

Vilsonovo šetalište 15, 71000 Sarajevo, BiH

Reg. broj: UF/I-392/04 Kantonalni sud Sarajevo
Porazni broj: 4200226180006, PDV broj: 200226150006
1549212003366506 - Intesa Sanpaolo Banka d.d. BiH
1410010006748856 - Bosnia Bank International d.d. Sarajevo
1020600000000111 - Union Banka d.d. Sarajevo
1346101000178654 - ASA Banka d.d. Sarajevo
1990490176075802 - Sparkasse Bank d.d. BiH
www.eppb.ba

Podružnice Društva:

Hidroelektrane na Neretvi, Jablanica, J. Čemilja 1
Termoelektrane «Kakanj», Kakanj, Termoelektrana broj 1
Termoelektrana «Tuzla», Tuzla, 21. aprila 4
«Elektrodistribucija», Bihać, Bosanske 28
«Elektrodistribucija», Mostar, Adema Buća 34
«Elektrodistribucija», Sarajevo, Zmaja od Boine 49
«Elektrodistribucija», Tuzla, Rudarska 38
«Elektrodistribucija», Travnik, Šumača 182a
«Elektrodistribucija», Zenica, Šetvet boga Bošnjaka 6

KARE d.o.o.
Adresa: Trg Heroja bb; 71 000 Sarajevo
Tel.: ++387 33 860-077; 640-099; Fax: 648-646
PDV br.: 200273040009; ID br.: 4200273040009
Kant. Sud Sarajevo: br. Rj. 085-0-Reg-14-000746
65-01-0230-14 (1-4018)
www.kare.ba ; info@kare.ba
SPARKASSE BANK: 1990490050024208
RAIFFEISEN BANK: 1610000036700086
UNICREDIT BANK: 3389002208763836
PROCREDIT BANK: 1941410788100147

K | KARE

Opomena pred tužbu br. OP - 2

Datum: 27.5.2025.
Rok plaćanja: 1.6.2025.
Isporuka:

Šifra: 169
Partner: RADIOTELEVIZIJA BOSNE I
Bulevar Mese Selimovica 12
71000 SARAJEVO
PDV: 200351290009
ID broj: 4200351290009

OPOMEN PRED TUŽBU

Rbr.	Dokument	Datum	Datum dospijanja	Iznos	Plaćeni iznos	Otvoreni iznos
1	354/25	27.2.2025	29.3.2025	335,79	0,00	335,79
2	353/25	27.2.2025	29.3.2025	927,80	0,00	927,80
3	1251/25	12.3.2025	11.4.2025	610,16	0,00	610,16
4	438/25	12.3.2025	11.4.2025	662,22	0,00	662,22
5	437/25	12.3.2025	11.4.2025	827,95	0,00	827,95
6	1254/25	12.3.2025	11.4.2025	734,21	0,00	734,21
7	1255/25	12.3.2025	11.4.2025	245,70	0,00	245,70
8	1250/25	12.3.2025	11.4.2025	204,75	0,00	204,75
9	438/25	12.3.2025	11.4.2025	492,57	0,00	492,57
10	1252/25	12.3.2025	11.4.2025	428,39	0,00	428,39
11	468/25	19.3.2025	18.4.2025	988,85	0,00	988,85
12	467/25	19.3.2025	18.4.2025	114,30	0,00	114,30
Ukupno:				6.573,49	0,00	6.573,49

Ukupan iznos duga: 6.573,49 KM
Prethodno uplaćeno: 0,00 KM
Za platiti: 6.573,49 KM

Pozivamo Vas da izvršite uplatu dospjelih a neplaćenih računa sa pripadajućom redovnom i zateznom kamatom odmah, a najkasnije u roku od 5 dana u korist našeg transakcijskog računa br. 1941410788100147 ProCredit Bank d.d.
U slučaju da uplatu ne izvršite u ostavljenom roku, bićemo prinuđeni da naplatu cjelokupnog duga izvršimo prinudnim putem, posredstvom suda.





INFOSoft d.o.o. INFORMATIČKI INŽINJERING, PROIZVODNJA, ZASTUPSTVO I PROMET Sarajevo, Avde Jabučice 14,
web: www.infosoft.ba, e-mail: prodaja@infosoft.ba, infosoft@bih.net.ba,
Tel: 387 33 441 743, 387 33 653 298, 387 33 201 514, 387 33 205 809

RADIOTELEVIZIJA BIH

71000 SARAJEVO
BULEVAR MEŠE SELIMOVIĆA 12
408184

OPOMENA ZA NEPLAĆENE RAČUNE na dan 24. 4. 2025.. godine

Poštovani,

Uvidom u naše poslovne knjige utvrdili smo da Vaš dug za neplaćene račune na današnji dan iznosi:

8.108,10 KM

i odnosi se na sljedeće račune:

Vrsta dokum.	Broj dokumenta	Datum dokum.	Datum valute	Osnovni dug	Povezane uplate	Nepovezane uplate	Ostatak (+) / Pretplata (-)
KIF	ODR-581	24. 10.	23. 11.	1.310,40			1.310,40
KIF	ODR-639	22. 11.	22. 12.	1.310,40			1.310,40
KIF	ODR-698	23. 12.	22. 1. 2025.	1.310,40			1.310,40
KIF	ODR-45	23. 1. 2025.	22. 2. 2025.	1.310,40			1.310,40
KIF	ODR-103	20. 2. 2025.	22. 3. 2025.	1.310,40			1.310,40
KIF	IF-52	19. 3. 2025.	26. 3. 2025.	245,70			245,70
KIF	ODR-160	24. 3. 2025.	23. 4. 2025.	1.310,40			1.310,40
Ukupno:				8.108,10	0,00	0,00	8.108,10

U skladu s dobrom poslovnom praksom, te u cilju izbjegavanja bilo kakvih nesuglasica u budućoj saradnji, molimo Vas da svoju obavezu **ODMAH** izmirite.

S poštovanjem,

2 Dubravka Vukadin,

Generalni direktor



25. 04. 25.

IDENTIFIKACIONI BROJ: 4200296410008, PDV IB: 200296410008, OPĆINSKI SUD U SARAJEVU – MBS: 1-2507,
TRANSAKCIJSKI RAČUNI: NLB BANKA d.d., Sarajevo - 1327310010162334, ASA BANKA d.d. Sarajevo - 1340011120239787

GUMA X d.o.o. Mostar

Bišće Polje bb

88000 Mostar

PDV BROJ: 22776790001

RADIOTELEVIZIJA BOSNE I

HERCEGOVINE

BULEVAR MEŠE SELIMOVICA 12

71000 SARAJEVO

IB: 200351290009

n/r Direktor

Obavijest o dospjelim obvezama

Na datum: 21.05.2025

Poštovani,

Dostavljamo Vam popis dospjelih obveza.

Rbr.	Broj računa	Datum računa	Valuta računa	Kasni dana	Iznos računa
1	02-195	24.02.2025	30.04.2025	21	924,29
2	02-196	24.02.2025	30.04.2025	21	924,29
3	02-197	24.02.2025	30.04.2025	21	924,29
Ukupno dospjelo ...					2.772,87
<i>Nedospjela dugovanja</i>					
1	02-311	26.03.2025	30.05.2025	-9	924,29
2	02-312	26.03.2025	30.05.2025	-9	924,29
3	02-313	26.03.2025	30.05.2025	-9	924,29
4	02-422	24.04.2025	30.06.2025	-40	924,29
5	02-423	24.04.2025	30.06.2025	-40	924,29
6	02-424	24.04.2025	30.06.2025	-40	924,29
Ukupno nedospjelo ...					5.545,74
Ukupan dug ...					8.318,61

Molimo da izvršite uplatu čim prije.

Za sva dodatna pitanja i nejasnoće stojimo Vam na raspolaganju.

Lijep pozdrav,

Josip Gašpar
direktor



НОВИНСКА АГЕНЦИЈА РЕПУБЛИКЕ СРПСКЕ
REPUBLIC OF SRPSKA NEWS AGENCY

СРНА

Новинска агенција Републике Српске "СРНА" а.д. Бијељина, Софке Николић 51
Генерални директор: 055/211-177, Секретар: 055/201-819, Рачуноводство: 055/211-166
Главни и одговорни уредник: 055/211-511; Деск: 055/211-555, новинари: 055/211-199, факс:
201-810
Дописништва: Бањалука: 051/308-726, 051/244-270, Источно Сарајево: 057/311-809, Београд:
381111232957
ЈИБ: 4400419580000
ПИБ: 400419580000 www.srna.rs snia@srna.rs ЈМБ: 1776894

Број: 04-04-440/25

Датум: 20.05.2025.

РАДИОТЕЛЕВИЗИЈА БОСНЕ И ХЕРЦЕГОВИНЕ
САРАЈЕВО

ПРЕДМЕТ: ОПОМЕНА

Поштовани,

Молимо вас да измирите ваше доспјеле обавезе у износу 4.212,00 КМ, које се односе на период од 2024. годину или ћемо у супротном бити принуђени да покренемо тужбу.

С поштовањем,

Прилог:
Финансијска картица

„СРНА“ а.д. Бијељина

Милош Брањковић



HIFA - PETROL d.o.o. Sarajevo 71320 Vogošća, Hotonj bb

tel: 033 584 370
fax: 033 584 382
direktor: 033 584 445
061 799 755

PDV: 200999090005
ID: 4200999090005
email: info@hifapetrol.ba
www.hifapetrol.ba



Broj: 779-43/25

Dana, 7. 5. 2025.

**RADIOTELEVIZIJA BOSNE I
HERCEGOVINE**
Bulevar Meše Selimovića 12
71000 Sarajevo

PREDMET: Zahtjev za plaćanje dospjelog duga

Pregled otvorenih stavki na dan: 7. 5. 2025.

Vrsta dokum.	Broj dokumenta	Datum dokum.	Datum valute	Osnovni dug	Povezane uplate	Nepovezane uplate	Ostatak (+) / Pretplata (-)
KIF	SZF-2740	31. 1. 2025.	1. 4. 2025.	187,03			187,03
KIF	SZF-4679	15. 2. 2025.	16. 4. 2025.	118,80			118,80
KIF	SZF-6432	28. 2. 2025.	30. 3. 2025.	130,17	74,04		56,13
KIF	SZF-8434	28. 2. 2025.	30. 3. 2025.	148,40			148,40
KIF	SZF-8436	28. 2. 2025.	30. 3. 2025.	630,98			630,98
KIF	SZF-8433	28. 2. 2025.	29. 4. 2025.	416,24			416,24
KIF	SZF-10656	31. 3. 2025.	30. 4. 2025.	198,05			198,05
KIF	SZF-12702	15. 4. 2025.	15. 5. 2025.	206,30			206,30
BIZV	99 (28. 4. 2025.)	28. 4. 2025.				101,08	-101,08
KIF	SZF-14502	30. 4. 2025.	30. 5. 2025.	234,71			234,71
KIF	SZF-14503	30. 4. 2025.	30. 5. 2025.	86,95			86,95
KIF	SZF-14518	30. 4. 2025.	30. 5. 2025.	65,59			65,59
Ukupno:				2.423,22	0,00	101,08	2.248,10

Prema podacima iz knjigovodstvene evidencije, odnosno prema stanju na našoj analitičkoj kartici, Vaš dug prema društvu HIFA-PETROL d.o.o. Sarajevo na dan 7. 5. 2025. godine ukupno iznosi **2248,1 KM**, dok dospjeli dug iznosi **1654,55 KM**.

Kako ne bi došlo do povećanja Vaših dospjelih obaveza prema društvu HIFA-PETROL d.o.o. Sarajevo, molimo Vas da dospjela dugovanja izmirite u što kraćem vremenskom roku.

S poštovanjem.

Ova obavijest je izrađena u elektronskoj formi, te je valjana bez potpisa i pečata.



SARAJEVOGAS d.o.o. SARAJEVO

Kantonarna javna komunalna preduzeća za snabdijevanje prirodnim gasom

Trg Fadile Odžaković Žute br. 4, 71000 Sarajevo

Tel.: ++387 033 721 346 i 033 721 355

Fax: ++387 33 568 123



Datum štampe, 06.05.2025

OPOMENA PRED PREKID ISPORUKE ZBOG DUGA ZA GAS

Za kupca: **RADIOTELEVIZIJA BOSNE I HERCEGOVINE**

Šifra kupca: 200013 Telefon / Fax : 033/455-223

Hod/Niz: 125/16

Adresa dostave: **BULEVAR MEŠE SELIMOVIĆA 12 - Sarajevo**

Poštovani,

Pozivamo Vas da najkasnije do 15.05.2025. godine izmirite svoje obaveze za prirodni gas, koje na dan 30.04.2025 godine iznose 275,172.43 KM (iznos bez računa za mjesec April 2025. godine).

Ukoliko do navedenog roka ne izvršite izmirenje svojih obaveza, bićemo prinuđeni da u skladu sa članom 70. Uredbe o snabdijevanju prirodnim gasom Kantona Sarajevo ("Službene novine Kantona Sarajevo", broj: 22/16) izvršimo prekid isporuke prirodnog gasa i pokrenemo postupak utuženja u cilju naplate potraživanja.

Molimo da potvrdu o uplati izmirenih obaveza dostavite na broj faxes 033/568-123, lično u Centre za kupce Sarajevogasa ili na e-mail podrskakoriscima@sarajevogas.ba

Ukoliko ste izmirili dug, opomena se smatra nevažećom.

S poštovanjem,

.d. Izvršni direktor za ekonomsko-pravne poslove

Ermin Efović

Centri za kupce:

- 1) Envera Šehovića 8, Novo Sarajevo, tel: 721 340, 721 347, 721 358
- 2) Trg Fadile Odžaković Žute 4, Novo Sarajevo, tel: 255 276
- 3) Saliha H. Muvekita 5, Stari Grad, tel: 553 262
- 4) Rustempašina 52, Ilidža, tel: 771 160

„APRO“ d.o.o. Mostar

Ul. Krpića br.3

Djel.broj 10-3 / 25

Mostar, 14.03.2025.god.

RADIO TELEVIZIJA BiH

n/r Direktora

PREDMET: Opomena pred tužbu,

Poštovani,

U proteklom periodu u više navrata pokušali smo da međusobnim dogovorom riješimo naša potraživanja, ali na našu žalost u tome nismo uspjeli. Neshvatljivo je, da smo se čak izbjegavali. Mi smo sada u takvoj situaciji da sami ne možemo dalje, jer samim ispostavljanjem fakture, stvara se obaveza od 17% za PDV.

Prelazemo da međusobne odnose riješimo dogovorom u roku od 15 dana, u protivnom mi ćemo biti prisiljeni da podignemo tužbu pred nadležnim sudom, a radi naplate naših potraživanja. Naš kontakt dradiltrgo@gmail.com, tel, 061-155

Srdačno,

DIREKTOR



Audience Measurement

RADIO-TELEVIZIJA BOSNE I HERCEGOVINE
Bulevar Meše Selimovića br. 12
71000 Sarajevo

27-05-2025

Sarajevo, 15.05.2025.

A-35/25

Predmet: Opomena za dospjeli dug

Poštovani,

Ovim putem Vas obavještavamo da smo uvidom u izvod naših poslovnih knjiga utvrdili da postoje velika dospjela, a neizmirena potraživanja koja imate prema društvu Audience Measurement d.o.o. Sarajevo, proizašla iz Vašeg poslovnog odnosa sa nama.

Vaše neizmirene obaveze na dan 15.05.2025. godine iznose 47.901,48 KM, od čega je dospjelo 44.488,98 KM, ne računajući zatezne kamate od dana dospelosti do dana 15.05.2025. godine.

Više puta smo pokušali da Vas kontaktiramo putem e-mail poruka, te da napravimo sa Vama sporazum o otplati duga ali je bilo bezuspješno. Ovim putem Vam šaljemo opomenu za neplaćanje, te Vas ljubazno pozivamo da izmirite navedene obaveze u roku od 15 dana ili pošaljete na našu adresu prijedlog sporazuma o otplati duga. Sporazum treba da sadrži otplatni plan po mjesecima, gdje će svaki mjesec pored redovne mjesečne fakture biti uplaćen i dio duga. Prva rata treba da bude uplaćena odmah po potpisivanju sporazuma.

S obzirom da firma Audience Measurement d.o.o. trenutno teško održava poslovanje jer plaća dvije licence zbog cjelokupne nastale situacije svima nam poznate, neophodno je da potpišemo sporazum i da se redovne fakture redovno i plaćaju, te Vas pozivamo da bez odloganja postupite kako je naprijed navedeno.

Napominjemo, ukoliko ste u međuvremenu izmirili navedene obaveze prema društvu Audience Measurement d.o.o., molimo Vas da na adresu sjedišta društva dostavite dokaze o uplati.

Uz izraze poštovanja,

Audience Measurement d.o.o.



Audience Measurement d.o.o.
direktor

Audience Measurement d.o.o.
Pijačna 14 K
71210 Ilidža (Sarajevo)
Bosna i Hercegovina
T: +387 33 765 390 | F: +387 33 635 135

ID: 420177616C008
ASA Banka d.d.: 1340011120218835
www.audiencemeasurement.ba
info@audiencemeasurement.ba



EN ISO
9001:2015

Kantonalno javno komunalno preduzeće "RAD" d.o.o. Sarajevo

RADIO TELEVIZIJA BOSNE I HERCEGOVINE
Bulevar Meše Selimović 12.
71000 SARAJEVO
Fax: 455 148

PIB/JIB: 200351290009



Paromilska 57, 71000 Sarajevo
tel.: ++387 33 658-038, 641-051, 643-966
transakcijski računi:
UniCredit Bank dd Sarajevo: 3389002208077649
Intesa Sanpaolo banka Sarajevo: 1540011100043893
ASA banka Sarajevo: 1341131110001478
ID broj: 4200316890001, PDV broj: 200316890001
U/I 1664/89, Kantonalni sud u Sarajevu

Datum: 23.04.2025.g.

OPOMENA

za neizmirene obaveze prema KJKP RAD d.o.o. Sarajevo za period
do 28.02.2025. godine, a prema sljedećim knjiženjima:

<i>datum</i>	<i>dokument</i>	<i>duguje</i>	<i>potražuje</i>	<i>saldo</i>
24.10.2023	4352-31	7.000,60	3.504,15	
27.11.2024	5475-23	239,85	0,00	
26.12.2024	5982-23	239,85	0,00	
UKUPNO KM :		7.480,30	3.504,15	3.976,15

Molimo vas da svoje obaveze izmirite odmah.

U protivnom ćemo biti prisiljeni naplatiti potraživanja putem suda uz zateznu kamatu.

Svoje obaveze možete platiti na gore navedene račune, odnosno na blagajni preduzeća.
Za sve eventualne nejasnoće možete se obratiti na telefon 033 408 253.

KJKP RAD d.o.o. Sarajevo



e-mail: jkpradsa@bih.net.ba - ISO 9001-2015, ISO 14001-2015

24.04.25.



Број: 01-50-1-15-22/24
Веза: 01,02-50-18-921/24
Сарајево, 22. 10. 2024.

25 -10- 2024

ВЛАДА ФЕДЕРАЦИЈЕ
БОСНЕ И ХЕРЦЕГОВИНЕ

R

Предмет: Закључак Представничког дома Парламентарне скупштине Босне и Херцеговине, доставља се

У прилогу вам достављам закључак Представничког дома Парламентарне скупштине Босне и Херцеговине, усвојен на 22. сједници, одржаној 22. 10. 2024. године, у другом кругу гласања, у оквиру расправе о материјалима Управног одбора БХРТ-а.

С поштовањем,



Прилог:

- Закључак број: 01-50-1-15-22/24, веза: 01,02-50-18-921/24 од 22. 10. 2024. године

Доставити:

- наслову
- а/а



Broj: 01-50-1-15-22/24

Veza: 01,02-50-18-921/24

Sarajevo, 22. 10. 2024.

На основу чл. 85, 86. и 165. Пословника Представничког дома Парламентарне скупштине Босне и Херцеговине («Службени гласник БиХ», бр. 79/14, 81/15, 97/15, 78/19, 26/20, 53/22, 59/23, 87/23 и 50/24), у оквиру расправе о материјалима Управног одбора БХРТ-а, у другом кругу гласања, Представнички дом Парламентарне скупштине Босне и Херцеговине је на 22. сједници, одржаној 22. 10. 2024. године, усвојио следећи

ЗАКЉУЧАК

Представнички дом Парламентарне скупштине Босне и Херцеговине предлаже Влади Федерације Босне и Херцеговине да хитно измијени члан 29. став 2. Закона о извршном поступку Федерације Босне и Херцеговине, на начин да и рачун за РТВ таксу или извод из пословних књига за цијену РТВ таксе има својство вјеродостојне исправе, чиме би се омогућило повећање степена наплате РТВ таксе у Федерацији Босне и Херцеговине.

ПРЕДСЈЕДАВАЈУЋИ
ПРЕДСТАВНИЧКОГ ДОМА
Несрџа Радмановић



Broj: 01-50-1-15-22/24

Veza: 01,02-50-18-921/24

Sarajevo, 22. 10. 2024.

Na osnovu čl. 85, 86. i 165. Poslovnika Predstavničkog doma Parlamentarne skupštine Bosne i Hercegovine («Službeni glasnik BiH», br. 79/14, 81/15, 97/15, 78/19, 26/20, 53/22, 59/23, 87/23 i 50/24), u okviru rasprave o Materijalima Upravnog odbora BHRT-a, u drugom krugu glasanja, Predstavnički dom Parlamentarne skupštine Bosne i Hercegovine je na 22. sjednici, održanoj 22. 10. 2024, usvojio sljedeći

Z A K L J U Č A K

Predstavnički dom Parlamentarne skupštine BiH predlaže Vladi Federacije BiH da hitno izmijeni član 29. stav 2. Zakona o izvršnom postupku Federacije Bosne i Hercegovine, na način da i račun za RTV taksu ili izvod iz poslovnih knjiga za cijenu RTV takse ima svojstvo vjerodostojne isprave, čime bi se omogućilo povećanje stepena naplate RTV takse u Federaciji BiH.





Broj: 01-50-1-15-22/24

Veza: 01,02-50-18-921/24

Sarajevo, 22. 10. 2024.

Na temelju čl. 85., 86. i 165. Poslovnika Zastupničkog doma Parlamentarne skupštine Bosne i Hercegovine («Službeni glasnik BiH», br. 79/14, 81/15, 97/15, 78/19, 26/20, 53/22, 59/23, 87/23 i 50/24), u raspravi o materijalima Upravnog odbora BHRT-a, u drugom krugu glasovanja, Zastupnički dom Parlamentarne skupštine Bosne i Hercegovine je na 22. sjednici, održanoj 22. 10. 2024., usvojio sljedeći

Z A K L J U Č A K

Zastupnički dom Parlamentarne skupštine Bosne i Hercegovine predlaže Vladi Federacije Bosne i Hercegovine da hitno izmijeni članak 29. stavak 2. Zakona o ovršnom postupku Federacije Bosne i Hercegovine, na način da i račun za RTV pristojbu ili izvadak iz poslovnih knjiga za cijenu RTV pristojbe ima svojstvo vjerodostojne isprave, čime bi se omogućio porast stupnja naplate RTV pristojbe u Federaciji Bosne i Hercegovine.



СЛУЖБЕНИ ГЛАСНИК БОСНЕ И ХЕРЦЕГОВИНЕ

Издање на српском, босанском и хрватском језику



SLUŽBENI GLASNIK BOSNE I HERCEGOVINE

Izdanje na srpskom, bosanskom i hrvatskom jeziku

Година XIX
Понеђјелак, 8. јуна 2015. године

Број/Број
45

Година XIX
Понеђјелак, 8. јуна/липња 2015. године

ISSN 1512-7508 - српски језик
ISSN 1512-7486 - босански језик
ISSN 1512-7494 - хрватски језик

Члан 4.

(Ступање на снагу)

Ова одлука ступа на снагу осмог дана од дана објављивања у "Службеном гласнику БиХ".

Број 01,02-29-1247/14

28. маја 2015. године

Сарајево

Председавајући

Представничког дома

Парламентарне скупштине

БиХ

Шефик Цаферовић, с. р.

Председавајући

Дома народа

Парламентарне скупштине

БиХ

Бариша Чолак, с. р.

ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ

390

На основу члана 22. ст. (1) и (2) Закона о Јавном радио-телевизијском систему Босне и Херцеговине ("Службени гласник БиХ", бр. 78/05, 35/09 и 32/10), Парламентарна скупштина Босне и Херцеговине, на 10. сједници Представничког дома, одржаној 8. априла 2015. године, и на 5. сједници Дома народа, одржаној 28. маја 2015. године, донијела је

ОДЛУКУ О ИЗНОСУ РТВ ТАКСЕ

Члан 1.

(Предмет Одлуке)

Овом одлуком утврђује се износ мјесечне РТВ таксе за свако домаћинство и правно лице на територији Босне и Херцеговине које посједује радио или телевизијски пријемник.

Члан 2.

(Износ РТВ таксе)

Утврђује се висина РТВ таксе у мјесечном износу од 7,50 КМ.

Члан 3.

(Престанак важења)

Ступањем на снагу ове Одлуке, престаје важити Одлука Одбора Јавног радио-телевизијског система БиХ о усклађивању висине РТВ таксе са степеном инфлације број 4110-20/1 од 11.02.2013. године.

Na osnovu člana 22. st. (1) i (2) Zakona o Javnom radiotelevizijskom sistemu Bosne i Hercegovine ("Službeni glasnik BiH", br. 78/05, 35/09 i 32/10), Parlamentarna skupština Bosne i Hercegovine, na 10. sjednici Predstavničkog doma, održanoj 8. aprila 2015. godine, i na 5. sjednici Doma naroda, održanoj 28. maja 2015. godine, donijela je

ODLUKU O IZNOSU RTV TAKSE

Član 1.

(Predmet Odluke)

Ovom odlukom utvrđuje se iznos mjesečne RTV takse za svako domaćinstvo i pravno lice na teritoriji Bosne i Hercegovine koje posjeduje radio ili televizijski prijemnik.

Члан 2.

(Iznos RTV takse)

Utvrđuje se visina RTV takse u mjesečnom iznosu od 7,50 KM.

Члан 3.

(Prestanak važenja)

Stupanjem na snagu ove Odluke, prestaje važiti Odluka Odbora Javnog radiotelevizijskog sistema BiH o usklađivanju visine RTV takse sa stepenom inflacije broj 4110-20/1 od 11.2.2013. godine.

Члан 4.

(Stupanje na snagu)

Ova Odluka stupa na snagu osmog dana od dana objavljivanja u "Službenom glasniku BiH".

Број 01,02-29-1247/14

28. maja 2015. godine

Sarajevo

Predsjedavajući Predstavničkog doma Parlamentarne skupštine BiH Šefik Džaferović, s. r.	Predsjedavajući Doma naroda Parlamentarne skupštine BiH Bariša Čolak, s. r.
---	---

Na temelju članka 22. st. (1) i (2) Zakona o Javnom radiotelevizijskom sustavu Bosne i Hercegovine ("Službeni glasnik BiH", br. 78/05, 35/09 i 32/10), Parlamentarna skupština Bosne i Hercegovine na 10. sjednici Zastupničkog doma, održanoj 8. travnja 2015. godine, i na 5. sjednici Doma naroda, održanoj 28. svibnja 2015. godine, donijela je

ODLUKU O IZNOSU RTV PRISTOJBE

Чланак 1.

(Predmet Odluke)

Ovom Odlukom utvrđuje se iznos mjesečne RTV pristojbe za svako kućanstvo i pravnu osobu na teritoriju Bosne i Hercegovine koja posjeduje radijski ili televizijski prijamnik.

Чланак 2.

(Iznos RTV pristojbe)

Utvrđuje se visina RTV pristojbe u mjesečnom iznosu od 7,50 KM.

Чланак 3.

(Prestanak važenja)

Stupanjem na snagu ove Odluke, prestaje važiti Odluka Odbora Javnog radiotelevizijskog sustava BiH o usklađivanju visine RTV pristojbe sa stupnjem inflacije broj 4110-20/1 od 11.2.2013. godine.

Чланак 4.

(Stupanje na snagu)

Ova Odluka stupa na snagu osmoga dana od dana objave u "Službenom glasniku BiH".

Број 01,02-29-1247/14

28. svibnja 2015. godine

Sarajevo

Predsjedatelj Zastupničkog doma Parlamentarne skupštine BiH Šefik Džaferović, v. r.	Predsjedatelj Doma naroda Parlamentarne skupštine BiH Bariša Čolak, v. r.
---	---

391

На основу члана 55. став (2) Пословника Представничког дома Парламентарне скупштине БиХ ("Службени гласник БиХ", број 79/14) и члана 45. став (2) Пословника Дома народа Парламентарне скупштине БиХ ("Службени гласник БиХ", број 58/14), Парламентарна скупштина Босне и Херцеговине, на 12. сједници Представничког дома, одржаној 28. маја 2015. године, и на 5. сједници Дома народа, одржаној 28. маја 2015. године, доноси

ЗАКЉУЧАК

О ОСНИВАЊУ ПРИВРЕМЕНЕ ЗАЈЕДНИЧКЕ КОМИСИЈЕ ОБА ДОМА ПАРЛАМЕНТАРНЕ СКУПШТИНЕ БиХ ЗА СПРОВОЂЕЊЕ ПРОЦЕДУРЕ ЗА ИМЕНОВАЊЕ ЧЛАНОВА НЕЗАВИСНЕ КОМИСИЈЕ ЗА ПРАЋЕЊЕ УСЛОВА БОРАВКА У ЗАВОДИМА, ПОСТУПАЊЕ И ПОШТОВАЊЕ ЉУДСКИХ ПРАВА ЛИЦА НАД КОЈИМ СЕ ИЗВРШАВАЈУ КРИВИЧНЕ САНКЦИЈЕ И ДРУГЕ МЈЕРЕ КОЈЕ ЈЕ ИЗРЕКАО У КРИВИЧНОМ ПОСТУПКУ СУД БОСНЕ И ХЕРЦЕГОВИНЕ, СТРАНИ СУДОВИ ЗА ДЈЕЛА ПРЕДВИЂЕНА КРИВИЧНИМ ЗАКОНОМ БОСНЕ И ХЕРЦЕГОВИНЕ ИЛИ МЕЂУНАРОДНИМ УГОВОРОМ ЧИЈА ЈЕ ПОТПИСНИЦА БиХ, ИЛИ ДРУГИ СУД У СКЛАДУ СА ЗАКОНОМ БиХ

Члан 1.

Оснива се Привремена заједничка комисија оба дома Парламентарне скупштине БиХ за спровођење процедуре за именовање чланова Независне комисије за праћење услова боравка у заводима, поступање и поштовање људских права лица над којим се извршавају кривичне санкције и друге мјере које је изрекао у кривичном поступку Суд Босне и Херцеговине, страни судови за дјела предвиђена Кривичним законом Босне и Херцеговине или међународним уговором чија је потписница БиХ, или други суд у складу са законом БиХ.

Члан 2.

У Привремену заједничку комисију из члана 1. овог закључка из Представничког дома именују се посланици:

1. Предраг Кожул,
2. Нермина Капетановић и
3. Ђорђо Крчмар.

Из Дома народа именују се делегати:

1. Дарко Бабаљ,
2. Марио Караматић и
3. Сифет Поцић.

Члан 3.

Задатак Привремене комисије је да спроведе процедуру оглашавања за именовање чланова Независне комисије за праћење услова боравка у заводима, поступање и поштовање људских права лица над којим се извршавају кривичне санкције и друге мјере које је изрекао у кривичном поступку Суд Босне и Херцеговине, страни судови за дјела предвиђена Кривичним законом Босне и Херцеговине или међународним уговором чија је потписница БиХ, или други суд у складу са законом БиХ, и домовима предложи кандидате за именовање чланова Независне комисије за праћење услова боравка у заводима, поступање и поштовање људских права лица над којим се извршавају кривичне санкције и друге мјере које је изрекао у кривичном поступку Суд Босне и Херцеговине, страни судови за дјела предвиђена Кривичним законом Босне и